

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog konkurentskog zahtjeva javne nabavke roba – Gorivo i mazivo na web portalu Agencije za javne nabavke dana **02.04.2021.godine**, zaključen je

između:

Javna ustanova Opća bolnica „Prim. dr. Abdulah Nakaš“,
Sjedište: S.S.Kranjčevićeva broj 12, 71000 Sarajevo,
koju zastupa v.d. direktor bolnice, Prof. dr.sci.med Ismet Gavrankapetanović
Identifikacijski broj: 4200288400001,
(u daljem tekstu: Kupac / Naručilac)

i

„HIFA“ d.o.o. Tešanj
Bukva 9, 74260 Tešanj
koga zastupa Direktor: Muris Hadžimehić
Identifikacijski broj: 4218015000007,
Transakcijski račun dobavljača: 3385502200036621
Naziv banke dobavljača: UNIKREDIT BANK d.d.
(u daljem tekstu: Prodavac),

sklopili su sljedeći

OKVIRNI SPORAZUM ZA NABAVKU GORIVA I MAZIVA

UVODNE ODREDBE

Član 1.

Na osnovu provedenog konkurentskog zahtjeva za dostavu ponuda s namjerom sklapanja Okvirnog sporazuma za nabavku goriva i maziva u trajanju od **1 (jedne) godine**, provedenog na osnovu člana 32. Zakona o javnim nabavkama („Službeni glasnik BiH“ broj 39/14), Ugovorni organ je kao najpovoljniju ponudu, u skladu sa postavljenim kriterijem za dodjelu ugovora, odabrao ponudu ponuđača **„HIFA“ d.o.o. Tešanj** broj: **PO459/2021** od **12.04.2021.** godine. Obrazac za cijenu ponude sa jediničnim cijenama odabranog ponuđača je prilog ovog Okvirnog sporazuma i čini njegov sastavni dio.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje ugovora o nabavci goriva i maziva (u daljem tekstu: pojedinačni ugovori) između Kupca i Prodavca.

Količine navedene u Obrascu za cijenu ponude iz člana 1. stav 2. ovog Okvirnog sporazuma su okvirne i zavisit će o raspoloživim finansijskim sredstvima i potrebama Kupca. Kupac se ne obavezuje da će količine iskazane u Obrascu za cijenu ponude iz Priloga ovog Okvirnog sporazuma biti realizirane u potpunosti.

Prodavac se obavezuje da će vršiti isporuku goriva i maziva u skladu sa tenderskom dokumentacijom i svojom ponudom.

Član 3.

Okvirni sporazum sklapa se na rok od **1 (jedne) godine**.

Na zahtjev Kupca, Prodavac će sa istim zaključiti ugovor i isporučivati gorivo i mazivo, pod uslovima određenim ovim Okvirnim sporazumom do njegovog isteka.

SKLAPANJE UGOVORA NA OSNOVU OKVIRNOG SPORAZUMA

Član 4.

Kada se utvrdi potreba za nabavkom goriva i maziva, sačinjava se specifikacija i spisak roba sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Odsjek za javne nabavke sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

Prodavac može odbiti ugovor samo u slučaju da isti nije u skladu sa tenderskom dokumentacijom za nabavku, odabranom ponudom i ovim Okvirnim sporazumom.

U slučaju povrede ugovornih obaveza nastalih potpisivanjem ugovora na osnovu Okvirnog sporazuma, Kupac može raskinuti ugovorni odnos pisanim putem ili na drugi dokaziv način.

ROK ISPORUKE

Član 5.

Isporuka robe će se vršiti tokom trajanja Okvirnog sporazuma u skladu sa potrebama ugovornog organa u količinama koje će se odrediti prilikom svake isporuke.

Rok za isporuku robe je odmah po prispjeću vozila ugovornog organa na benzinsku pumpu Prodavca.

MJESTO ISPORUKE

Član 6.

Robe koje su predmet nabavke će se isporučivati na benzinskoj pumpi/pumpama najpovoljnijeg ponuđača ili pumpi/pumpama koja mu je na raspolaganju na području Kantona Sarajevo.

CIJENA

Član 7.

Ukupna vrijednost Okvirnog sporazuma bez uračunatog iznosa na dodatnu vrijednost iznosi 14.457,00 KM (slovima: četrnaest hiljada četiristotine pedesetsedam i 00/100 KM) odnosno sa uračunatim iznosom na dodatnu vrijednost iznosi 16.914,69 KM (slovima: šesnaest hiljada devetstina četnaest i 69/100 KM).

Jediniče cijene promjenjive su tokom primjene Okvirnog sporazuma i utvrđivat će se na način opisan u tenderskoj dokumentaciji za ovu nabavku.

Svi ostali uslovi zaključenog Okvirnog sporazuma su nepromjenjivi tokom njegove primjene.

ROK PLAĆANJA

Član 8.

Kupac je dužan obaveze po računima platiti Prodavcu uplatom na njegov žiro račun, u roku od **60 (šezdeset) dana** od dana ispostavljanja računa za uredno isporučenu robu.

ODGOVORNOST ZA MATERIJALNE I PRAVNE NEDOSTATKE

Član 9.

Dobavljač odgovara za materijalne nedostatke stvari / opreme (hardver / softver) koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Kupac i Dobavljač. U obavijesti o nedostatku stvari / opreme Kupac je dužan potanje opisati nedostatak i pozvati Dobavljača da pregleda stvar / opremu. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena / isporučena oprema / stvar nema svojstva i odlike koje su izričito određene ovim ugovorom. Dobavljač odgovara i za

nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Dobavljač odgovara ako na isporučenoj opremi / stvari (hardver / softver) postoji neko pravo trećeg koje isključuje, umanjuje ili ograničava pravo Kupca, a o čijem postojanju Kupac nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu opremu / stvar, Kupac je dužan obavijestiti Dobavljača o tome (obaviještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar / opremu od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Kupca, okvirni sporazum se raskida.

UGOVORNA KAZNA, ZATEZNA KAMATA

Član 10.

U slučaju kašnjenja u izvršenju usluga Naručilac će zaračunati i naplatiti Dobavljaču na ime ugovorne kazne iznos od 1% ukupne vrijednosti usluga čije izvršenje kasni za svaki puni dan zakašnjenja počev od prvog dana docnje do maksimalnih 5%, ukupne vrijednosti / cijene Okvirnog sporazuma.

Naručilac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjela plaćanja Dobavljač će zaračunavati Naručilac zatezne kamate prema primjenjivom / pozitivnom propisu.

VIŠA SILA

Član 11.

Ako slučaj više sile, potpuno ili djelimično spriječi izvršenje obaveza po ovom okvirnom sporazumu, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog okvirnog sporazuma, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne

katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom okvirnom sporazuma miruju, ne primjenjuju se odredbe okvirnog sporazuma o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 10 dana, ugovorne strane će se sporazumijeti o daljnoj sudbini Okvirnog sporazuma. Ukoliko se ugovorne strane ne sporazumiju o sudbini okvirnog sporazuma, ugovorna strana kod koje nije nastupila viša sila ima pravo na raskid okvirnog sporazuma pošto o tome pismeno obavijesti drugu ugovornu stranu.

POVREDE UGOVORNIH OBAVEZA

Član 12.

U slučaju prekoračenja roka isporuke iz člana 5. ovog Okvirnog sporazuma Kupac ima pravo raskinuti pojedinačni ugovor uz naplatu kazne radi pretrpljene štete zbog kašnjenja isporuke i kršenja ugovornih obaveza od strane Prodavca.

Ugovorna kazna u visini od 1% vrijednosti pojedinačnih ugovora, odnosno narudžbenice, naplatit će se u slučajevima:

- Isporuke neugovorenog goriva,
- Neotklanjanja nedostatka odmah nakon zaprimanja obavijesti i
- Povrede drugih obaveza preuzetih pojedinačnim ugovorom.

GARANCIJA ZA UREDNO IZVRŠENJE OKVIRNOG SPORAZUMA

Član 13.

Prodavac je dužan da u roku od 10 (deset) dana od dana zaključenja Okvirnog sporazuma dostavi безусловnu bankarsku garanciju za dobro izvršenje posla u iznosu od 10% vrijednosti Okvirnog sporazuma sa uračunatim PDV-om.

U slučaju da Prodavac ne dostavi Garanciju za uredno izvršenje Okvirnog sporazuma u skladu sa odredbama iz tenderske dokumentacije, zaključen Okvirni sporazum se smatra apsolutno ništavim.

OSTALE ODREDBE

Član 14.

U slučaju eventualnog spora proisteklog iz ovog Okvirnog sporazuma, strane će isti nastojati riješiti dogovorom, a u protivnom putem nadležnog suda u Sarajevu.

Ovaj Okvirni sporazum stupa na snagu danom potpisivanja obje sporazumne strane.

Član 15.

Ovaj Okvirni sporazum sastavljen je u 4 (četiri) istovjetna primjerka, od kojih 2 (dva) primjerka zadržava Prodavac, a 2 (dva) primjerka Kupac.

Pripremila:

Semra Šenturk, dipl.iur – službenik za javne nabavke *Semra Šenturk*

Kontrolisale:

Amira Petrović, BA općeg prava - šef Odsjeka za javne nabavke *Amira Petrović*

Amela Smajić - Džaferagić, BA općeg prava, - šef Odjeljenja za zajedničke poslove *Amela Smajić*

Prodavac
„HIFA“ d.o.o. Tešanj

DIREKTOR

Muris Hadžimehić

Kupac
Javna ustanova Opća bolnica

Prim. dr. Abdulah Nakaš

DIREKTOR

Prof. dr. Ismet Gayrankapetanović

Broj 70659/2021
Tešanj, 07.06.2021 godine

Broj: 3093-15/21
Sarajevo, 21.05.2021 godine